

## **Siunnersuummut nassuiaatit**

### **Nassuiaatit nalignnaasut**

#### **1. Inatsisissamut siunnersuummut tunuliaqut**

Inatsisartut inatsisaat avatangiisinut akitsuut pillugu nukissiuuteqarnermut pilersitsinissamut atortut pillugit atuutinneqalerpoq ulloq 01. januar 2011.

Allannguutissatut siunnersuut saqqummiunneqartoq isertitassatut sillimmataasussat ukiumut 96,5 mio.kr. ukioq 2016-miit ilusilersugaaneranut ilangaatsiarivaa, taannalu akuerineqarnikuvoq aningaasanut inatsimmut 2015-imut ilaattut taamatullu 2016-imut siunissamullu aningaasaqarnermut inatsimmut oqimaaqatigiissaarisussaalluni.

Naalackersuisunut pingaaruteqarpoq, piffissami naalackersuisuunermi isertitat aningaasartuutillu oqimaaqatigiissarneqarnissaannut. Inatsisissatut siunnersuut saqqummiunneqartoq pingaarutilluvoq pisariaqarlunilu nammaqatigiissaarinissap qulakkeerneqarnissaannut.

Taamaattumik Naalackersuisut periarfissanik naliliisimapput avatangiisimut akileraarutip nukissiuutini pilersitsiniarnermi atortunik qaffaanissaq pillugu taamaasilluni isertitassat landskarsimut qaffanneqarnissaat qulakkeerneqassammat kiisalu Naalackersuisut suliniutissatut kissaataat piviusunngortinneqarnissaannut tapiliutaasinnaammat, pilertornerusumik isumalluutaasunik pitsaanerusumik atorluanerunissaq pillugu kiisalu mingutitsinermik millisaataasinnaammat.

Inatsisissatut siunnersuut isiginiarneqassaaq, ikummatissap olie-p eqqunneqartartup akiata apparneqarnissaa naatsorsuutigineqarmat nutaamik akinut isumaqatigiissutissamut nutaamut tunngatillugu.

#### **2. Siunnersuummut qulequttat pingaarnertit**

Siunnersuutigineqarpoq maannakkumut avatangiisimut akileraarutaasooq ikummatissamut gas-imut- diselolie-mullu qaffanneqarnissaa.

Tuniniaanermi akornusiinissaq pinngitsoortikkumallugu, atuinerup nuutinneqarnerisigut nioqqutissanut nukissiuutini pilersitsiniarnermut naatsorsuutaasunut kiisalu isiginiarneqassalluni akileraarutaasut aaqqissuussaananer atuuuttup nioqqutissiat ikummatissatut nalingi aallaavigineqarnissaat, siunnersuutigineqarpoq, ikummatissamut

akoqanngitsumut fuelolie-mut akitsuutit, motorbenzin-mut kiisalu ikummatissanut allanut suulluunniit ikummatissat kiisalu aamarsuit suulluunniit akitigut qaffakkiartuaarneqarnissaat. Tamatuma nassatarivaa akitsuusiinerup annertussusaa agguaqatigiisiissallugu assersuutigineqarluni uuttueriaaseq per gigajoule atorlugu 1 ton ikummatissaq akoqanngitsoq fuelolie assigimmagu 1 ton motorbenzin-p akitsuutitigut annertussusia.

Naatsorsuutigineqarpoq inatsit saqqummiunneqarnerani atuutilissasoq taamaasilluni pinngitsoorneqarsinnaammat, akitsuusiinerup qaffanneqarneratigut malitsigisaanik pilertortumik nioqqutissanik nukissiuutinut pilersitsinissamut eqqusuiguasuarnissap aarlerinartortaa pinngitsoortikkumallugu.

Taamatuttaarlu sulissutigineqarpoq nioqqutissanik imerpalasunik ikummatissanik suliffeqarfinit eqqussorneqartut kiffartuussinissamik isumaqatigiissuteqartut, qulakkeerneqassasoq naatsorsuutigisamik akinik appaanissamut aggersumut ataqatigiissaarisqarnissaa. Tamatumanilu tamanna anguneqassalluni Naalakkersuisut peqquneqarnerisigut Inatsisissamut siunnersuutissap atuutilerneqarnissaannik aaliangiinikkut.

Akinik appaanissaq pissutigitinneqarpoq nunarsuatsinni akigitinneqartut appariartornerat, tamannalu naatsorsuutigineqarluni isumaqatigiissutini atuutilerneqarnissaa, olie-mik allanillu Kalaallit Nunaannut pilersuinerup ilaatinneqartumik. Siunnersuummut anguniagaavoq atuisut akiliisinaassusiat sapinngisamik minnerpaaffianiinnissaa anguniassallugu.

Inatsimmut siunnersuutaasoq avatangiisimut eriaginninnissamut inatsit malinneqarnissaa aaliangiusimaneqassaaq, pissutigalugu akitsuutinik qaffaanerup pitsaasumik iluaqutissartarimmagu, imerpalasumik ikummatissamik olie-mik allanillu atuinerup akinik appaanerup malitsigisaanik qaffatsinneqassanngimmat.

Siunnersuut inatsisit atuutinneqartut ataqatigiissarnerat	
Oqaasertalersuinerit atuuttut	Siunnersuut
	<b>§ 1</b> Inatsisartut inatsisaanni nr. 21 18. november 2010-meersoq avatangiisimut akitsuutit nioqqutissanik nukissiornermut pilersuineq pillugu imatut allannguusiortoqarpoq

			<b>1.</b>		
”Stk. 2. Avatangiisimut akitsuutip imaarivaa:			§ 1, stk. 2 imatut oqaasertaligaavoq: ”Stk. 2. Avatangiisimut akitsuutip imarivaa:		
1) Gas- aamma dieselolie, assigisaallu petroleum ilanngullugu, Jet A1 allallu	liter- imut v 15° C angul- lugu	0 kr. 10 øre	1) Gas- aamma dieselolie assigi- saallu, petroleum ilanngullugu, Jet A1 allallu	liter- imut v 15° C angul- lugu	0 kr. 55 øre
2) Olie akuuiarneqanngitsoq /Fuelolie	ton- imut	113 kr.80 øre	2) Olie akuuiarneqanngitsoq Fuelolie	ton- imut	625 kr. 90 øre
3) Motorbenzin assigisaalu, flyvebenzin ilanngullugu assigisaallu	liter- imut v 15° C angul- lugu	0 kr. 10 øre	3) Motorbenzin assigisaalu, flyvebenzin ilanngullugu assigisaalu	liter- imut 15° C angul- lugu	0 kr. 55 øre
4) Gas-i assigisaalu, naturgas ilanngullugu, bygas allallu flaskegas ilan-ngunnagu	Nm3- imut	110 kr. 40 øre	4) Gas assigisaalu, naturgas ilan- ngullugu, bygas allallu, flaskegas ilan-ngunnagu	Nm3- imut	607 kr. 20 øre
5) Aamarutissat assigisaalu, aamarutissaq ujarannguunni- koq/stenkul ilan- ngullugu, jordoliekoks, aamarsuit nutaanerit/brun-kul, trætjære allallu	ton- imut	73 kr. 40 øre”	5) Aamarsuit assigisaalu, aamarutissaq ujarannguunni- koq/stenkul, jordoliekoks, aamarsuit nutaanerit/brun-kul, trætjære assigisaalu	ton- imut	403 kr. 70 øre”

	<p style="text-align: center;"><b>§ 2</b></p> <p>Inatsisartut inatsisaat atuutilerpoq inatsit saqqummiunneqarnerani takuuk imm. 2.</p> <p><i>Imm. 2.</i> Naalakkersuisut aaliangersarpaat inatsisip atuutilerpera suliffeqarfiit nioqqutissanik eqqussuinerat pillugu, oqaasertalersorneqarneragut ilusiler-sorneqarnera naapertorlugu kontomut pingaarnermut 64.10.12 pillugit nioqqutissanik pilersuineq aningaasanut inatsimmi 2015-imi Namminersorlutik Oqartussanut pilersuinissamut isumaqatigiissuteqarneq ikummatissanik imerpalasunik pilersuineq pillugu isumaqatigiissuteqarneq</p>
--	--

### **3. Aningaasaqarnikkut allaffissornikkullu pisortanut kinguneriumaagassai**

Siunnersuut naatsorsuutigineqarpoq 60 mio.kr. 2016-imi iluanaarutaanissaa kiisalu missingersuusiornikkut ukiuni naatsorsuusiorfiusuni.

Taamatuttaarlu siunnersuut akilersinnaassuseqarnerata naatsorsorneqarnerisigut sunniuteqassaaq qullortoq atorlugu nukissiuuteqarnikkut pioreersunik kiisalu allatigut nukissiuuteqarnikkut sanaartornissamut aningaasaliinissanut allanillu nukissornermi piujuaarnartitsisinnaasunik atortunik aningaasaliinermi.

### **4. Aningaasaqarnikkut allaffissornikkullu inuussutissarsiornikkut kinguneriumaagai**

Siunnersuummi naatsorsuutigineqanngilaq inuussutissarsiutitigut kinguneqarumaarnissaa.

Siunnersuummi aningaasaqarnikkut inuussutissarsiutitigut kinguneriumaagassai, ilaatigut aalisariutaatit 200 ton ataallugit annertussuseqartut, apeqqutaatinneqarluni akitigut appariaatit naatsorsuutigineqartut annertussusaat orsussamik olie-mik eqqussuineq. Matumani ajornakusoorpoq erseqqittumik oqaatigissallugu aningaasaqarnikkut kinguneriumaagassai.

Siunnersuutaasoq aningaasaliinissamut pilersaarutitut nutaanut akilersinnaassuseqarnerasoq naatsorsuusiornermi sunniuteqassaaq ilaatigut assersuutigalugu aatsitassanut immikkoortortamut, pilersaarutaasut annertussusaat ikummatissamik imerpalasumik

atuiumaarnissaat apeqquataassalluni. Matumani ajornakusoorpoq sunniuteqarnissaat nalilersussallugu aningaasaliiffigiумаакканut nallersuutissallugu.

### **5. Avatangiisimut, pinngortitamut inuillu peqqissusaannut kinguneriumaagassai**

Siunnersuut naatsorsuutigineqarpoq toqqaannangikkaluamik, avatangiisimut pitsaasumik kinguneqarsinnaanera, pissutigalugu akitsuutip qaffanneqarneratigut akit inissisimanerat sunniuteqarfigissammagu taamatuttaarlu atuinerup inerikkiartornera appartissinnaassallugu.

### **6. Innuttaasunut kinguneriumaagassai**

Matumani ajornakusoorpimavoq erseqqissumik aningaasaqarnikkut innuttaasunut kinguneriumaagassai naatsorsussallugit, pissutigalugu ikummatissamik olie-mik eqqussuinerup annertussusissaata akitigut appariaatissaa apeqquataassamat.

Akinik appaaneq akitsuutip qaffanneraniit minnerussappat tamanna innuttaasut matumani akiliisinnaassusiat pitsaanngitsumik kingunerissavaa. Akit appariaataat akitsuutip qaffariarnerat naligiissappat innuttaasut akiliisinnaassusseqarnerat ullumikkutut issaaq. Akit apparnerat akitsuutip qaffariarnerat qaangissappagu tamanna innuttaasunut ullumikkut akissaqarnerulernerannik kinguneqassaaq ullumikkut sanilliullugu, annertunngitsumilli, massakutulli akitsuutip annertussusaa attanneqassappat.

### **7. Allat malunnaatilimmik kinguneriumaagassaasut**

Siunnersuut allatigut malunnaatilimmik kinguneqarumarnissaa naatsorsuutigineqanngilaq

### **8. Pisortanik kattuffinnik allanillu tusarniaaneq**

Siunnersuut pinasuartumik tusarniaasutigineqarsimavoq ukunani: Inuussutissarsiornikkut, Sulisoqarnikkut Niuernikkullu Naalakkersuisoqarfik, Pinngortitamik, Avatangiisimik Inatsiseqarnikkullu Naalakkersuisoqarfik kiisalu KNI A/S

Tusarniaanermi siunnersuutaasoq matoqqasumik ingerlanneqarsimavoq.

Tusarniaanerit akissutaanni tiguneqarsimasuni imaattumik akissuteqartoqarsimavoq:

Pinngortitamut, Avatangiisimut Inatsiseqarnermullu Naalakkersuisoqarfiup maluginiarpaa, allannguutit nukissiuutinik pilersuinermit aningaasartuutaasussat nassatarisinnaagaat piffinni tamani akitigut allannguuteqarnissaq, taamatuttaarlu erngup nukinga atorlugu pilersuinissamat.

*Siunnersuut naatsorsuutigineqarpoq akitigut aaliangersakkat minnerpaaffissaanni- kiisalu annerpaaffissaannik sunniuteqarnissaat kiisalu akitsuutipigut allannguutit taamaasilluni illoqarfinni aamma erngup nukinga atorlugu pilersuinermit atuutinneqarnissaa.*

Inuussutissarsiornermut, Sulisoqarnermut Niuernermullu Naalakkersuisoqarfiup maluginiarpa, orsussamut benzin-amut kiisalu dieselolie-mut akitsuutinik qaffaanerit aningaasaqarnikkut aalisarnermut inuutissarsiuteqartunut sunniuteqarsinnaanera. Taamatuttaarlu Naalakkersuisoqarfiup maluginiarpaattaaq taamatut aningaasaqarnikkut taarsiunneqarsinnaanngimmat tulaassuineri akitigut qaffariaanikkut, tamanna niuernikkut pissutsinit aaliangersugaammat kiisalu atuisartut sunik kalaallit tunisassiaannik akilereerusussuseqarsinnaanerat. Imaappoq, akitsuutit aaliangersakkat qaffanneqarnerisigut inuussutissarsiornikkut minnerusumik sinneqartoortuassassaaq taamaasillunilu akileraarnikkut minnerusumik toqqammaveqassalluni.

*Aalisariutit pineqartillugit, Kalaallit Nunaanni nalunaarsorneqartut 200 tons sinnilaarluguluunniit oqimaassuseqartut, akitsuutit qaffanneqarnerat toqqaannartumik sunniuteqarnaviannngilaq, tassami pilersuineq angallatinut taamaattunut akitsuutitigut piunasaqaataanngimmat. Aalisariutaatinut minnerut 200 tons ataallugu oqimaassuseqartunut akitsuutitigut qaffaanerup orsussamut benzin-amut kiisalu dieselolie-mut sunniuteqassaaq, apeqqutaassalluni akinik appaanerit naatsorsuutigineqartut ikummatissamik pilersuinissamut eqqunneqartunut. Matumuunali periarfissaqarsimannngilaq erseqqissumik missingersussallugu aningaasaqarnikkut kinguneriumaagassaa.*

Inuussutissarsiornermut, Sulisoqarnermut Niuernermullu Naalakkersuisoqarfiup maluginiarsimavaa, ikummatissamut akuiarneqanngitsumut (fuelolie) akitsuutitigut qaffaaniarneq siunnersuutaasumik ilaajunnaarsittariaqartoq, tassami ikummatissamik akuiarneqanngitsumik eqqussuineq killeqaqimmat. Naalakkersuisoqarfiup maluginiarpaartaaq, inuiaqatigiit aningaasaqarniarnikkut sapinngisamik iluanaaruteqarsinnaanerat immakkut Kalaallit Nunaata imartaani ingerlanneqartut annerusumik iluanaarutiginiarneqarnissaat, assersuutigalugu umiarsuit takornariartaatit, saviminissamik usingiaanerni, angallatinut orsussamik immiinerni naliginnaasuni, orsussap akuiarneqanngitsoq fuelolie-mut akigitinneqartoq unammillernartuussammat aammalu nikingassutaasoq killissaminiissalluni, tassami atuisut qinigassaqarnerorusuttaramik Kalaallit Nunaatalu avataanut ujaasilertarlutik.

*Akitsuutinik piunasaqaateqartarneq pinngitsoorneqartarpoq, orsussamik fuelolie-mik umiarsuarnut avataanit angalasunit orsersuineri, taamatuttaaq takornariataatinik umiarsuarnik.*

Orsussamut akuiarneqanngitsumut akitsuutip aaliangersarneqarneranut tunngatillugu qaffaaniarnermut, Inuussutissarsiornermut, Sulisoqarnermut Niuernermullu Naalakkersuisoqarfiup maluginiarsimavaattaaq, unammillernarsinnaasumik orsussap fuelolie-p akia pingaaruteqartorujussuusoq, Kalaallit Nunaata aatsitassarsiornikkut akuerineqarsinnaasumik unammillersinnaasumik sinaakkusersuinikkut neqerooruteqarsinnaanera. Naalakkersuisoqarfiup paasisimavaattaaq, akitsuutinik aaliangersakkat qaffannerisigut ikummatissamut akuiarneqanngitsumik fuelolie-mik

qaqeqqinneqartariaqartoq, ersersinneqassappat siunnersuummit tunuartinneqarneratigut kingunerisassai iluanaarutitigut ajoqutaassanngippat.

*Siunnersuutaasoq naatsorsuinerit sunniuteqarfigissavai nutaanik akilersinnaasunik pilersitsiniarnermi aningaasaliinissamut assersuutigalugu aatsitassarsiornermut tunngatillugu. Matumuunali periarfissaqarsimangilaq nalilissallugu aningaasaliissutigineqartussanut aaliangersimasunut sunniutaasussat nalilissallugit.*

Inuutissarsiornermut, Sulisoqarnermut Niuernermullu Naalackersuisoqarfiutaaq isumaqarpoq akitsuutitik qaffaaniarneq toqqaannanngikkaluamik ulluinnarni nioqutissanut akinik sunniuteqassasoq aamma kiffartuussinernut kiisalu taamaasilluni isertitakinnerusunut artukkiinerussalluni.

*Siunnersuutaasup aningaasaqarnikkut inuussutissarsiutitigut inuuniarnikkut kingunerisinnaasai, ilaatigut atortussanik niuernikkut, apequtaalluni orsussamik olie-mik tikisitsilluni akinik appaaniarnerit kiisalu akitsuutitik qaffaanissap annertussusaa apequtaassalluni. Piffissami matumani periarfissaqarsimangilaq nalilissallugu akitsuutip inuussutissarsiutitigut sarfamut kiassarnermullu nalilersussallugu. Taamaattumik ajornakusoorsimavoq nalilersussallugu akitsuutip toqqaannanngikkaluamik ulluinnarni nioqutissanik kiffartuussinissamullu akitigut nalilersornissaat.*

KNI A/S-ip maluginiarpaa akitsuutip qaffasissusaa aamma atuutilernissaanut ulloritinneqartoq ullut pingasut sioqqullugit suliffeqarfimmut nalunaarutigisariaqartoq, suliffeqarfiup nioqutissanik akikillisanik naqqiinissaminut periarfissaqarniassammat taamaasilluni akitsuutip qaffanneqarnissaanut ulloq atuutilernejarfiani eqqorlugu atuutilernejarniassammata.

*Naalackersuisut KNI A/S-ip oqaaseqaataa tusaatissatut tiguaa kiisalu atuutilernissaanut sapinngisamik eqaaatsumik isumagissallugu.*

Aammattaaq KNI A/S-ip maluginiarpaa atuinerneq appariaaneq malitsigissagaa atortussanik akigitinneqartut qaffariartornissaat, pissutigitinneqarluni liter-inik appaaniarnerit tank-eqarfissuarnut assigisaallu aningaasaliiffigineqarnissaat KNI A/S-ip iluaqutissartaat matumani nalileruminaatsimmagu.

*Siunnersuummullu tunngatillugu Naalackersuisut sulissutiginiarpaat aningaasaqarnikkut atuisunut kingunerisassai minnerpaaffimmiitinneqarnissaat.*

Siunnersuutip nassatarivaa, ikummatissamut akitsuutip liter-imut/45-øre-mik qaffannissaa liter-imiit/10-øremik liter-imut 55-øremut. Isertitsissutaasusaaq 60 mio.kr. 2014-mit ikummatissamut tunngatinneqarpoq. KNI A/S-ip matumani erseqqissaatigaa ukioq 2014 "annikitsuinnarmik" ikummatissamik atuisoqarsimammat 133 mio. liter. Aggvaqatigiisillugu atuneq piffissami 2011-2014 155 mio. liter-iusimavoq. Tamanna tunngavigalugu KNI A/S-ip siumoortumik naatsorsukannersimavaa ukiumut 145 mio. liter atorneqartarnissaa. Isertitsissutaasussarlu naatsorsukannerneqarpoq 65 mio. kr.-iussassasoq.

*Erseqqittumik oqaatigineqassaaq pineqartoq qularnartoqartarmat, pissutigalugu ukiumiit ukiumut ukiorluttarnera nikerartarmat. Mianersuutassatut Naalakkersuisut aaliangiusimavaat isertitsissutaasussatut missingersuut ukiumut 60 mio. kr.-iummat.*

KNI A/S ingerlatsinini sillimmasumik ingerlatseriaasseqarlunga r olie-mut tunngatillugu ukiumi arlalinni ingerlatsivoq. Taamaattumik naatsorsuutigineqarsinnaavoq r olie-mik nunarsuatsinni akiviusut tunngavigalugu Kalaallit Nunaannut kingusinnerulaartukkut sunniuteqarnissaa. Pingaaruteqarporli erseqqissassallugu atuinermut akit kisimik r olie-p akiinut nunarsuatsinni tuniniaaviusunit sunnerneqartanngimmata kisiannili aammattaaq dollar-ip nalingata, erniat nikittaarnerat, cracks-inik taaneqartartut (annaasaqarsinnaaneq) kiisalu Polaroil-ip ingerlatsinermut aningaasartuutai ilanngullugit kiisalu aningaasaleerusussuseqarnerup inissisimaffia. Taamatuttaarlu ukiumi kingulliunerusut malitsigisaannik piginnittunit 30 mio.kr. ukiumut iluanaaruteqarsinnaanermik kissaateqarneq, atuinermut akiviusut naammaqqatartarmat. Tamanna oqaluuserisassanngorlugu qaqqinneqartariaqartoq Naalakkersuisunut kiffartuussinissamut isumaqatigiissutissaq 2017-imut tunngasoq pillugu isumaqatigiinniarnissamut aggersumut oqaluuserineqartussat.

*Siunnersuutip atuutinneqalernissaanut aaliangersakkat Kalaallit Nunaannut niuernikkut ingerlatsineranut kingusinaartumik sunniuteqartarnera iliuuseqarfiginiarneqarpoq.*

KNI A/S-ip akini aaliangersartarpai siumoortumik naatsorsuutit sinneqartoorutissatullu anguniakkat siulersuisunit akuerineqaraangata, tamannalu pisarpoq upernaap ingerlanerani. Kissaatigineqarpat piffissatigut KNI-p akinik aqqissuussinissaanut akitsuutillu atuutilerneqarneratigut naapeqatigiisitsiniarnissaaq malitsigissammagu akitsuutip akuerineqarnera ukiassakkullu 2015-mi piareerneqarluni kisiannili aatsaat upernaakkut 2016-mi atuutilerneqarluni. Tamanna periuseq eqqarsarnartoqarsinnaavoq, isertitsissutaasussat apparneranik taamatuttaarlu atuutilerneqarnerata kingusinneranik 2016-imut isertitsissutaasussanut sunniuteqassammat.

*Naalakkersuisunit naatsorsuutigineqarpoq, Namminersorlutik Oqartussanit pigineqartoq KNI kiffartuussinissamik isumaqatigiissummik piginnittutut kingusinnerusukkut atuutilerneqarnissaanik eqqarsarnartumik periuseqannginnissaaq naatsorsuutigineqarmat.*

KNI A/S-ip maluginiarpaartaaq, akitsuutip atuisartut akiliisinnaassuseqarnerat siumut isigisumik sunniuteqarumaartoq. Piffissami sivikinnerusumi sunniuteqarsinnaaneq pinngitsoorneqarsinnaavoq KNI A/S-ip r olie-mut tunngatillugu akitigut qulakkeerinninnermigut, piffissarli sivilunerusoq eqqarsaatigalugu avaqqunneqarsinnaanngilaq nunarsuatsinni r olie-mut akit qaffaratarsinnaanerata, tamannalu atuisartunut pitsaanngitsumik kinguneqarsinnaammat. Nunarsuatsinni r olie-mik akip oqaluttuarisaanerata eqqarsaatigalugu assigiinngiiaartorujussusimavoq, taamaattumik akitsuutip piffissami sivikinnerusumi iluaqutaanissaa eqqarsaatigissallugu naammaginannngilaq, siunnersuutaasup oqaasertalersorneqarnerani matumani taamatut paasineqarsinnaasumik.



*Siunnersuutip anguniarpaa sapinngisamik annikinnerpaamik atuisut akiliisinnaassusseqarnerat sunniuteqarfigissallugu. Naalakkersuisut nunarsuatsinni råoliet mut akigitinneqartut ineriartornerat ataavartumik malinnaaffigaat, kiisalu pisariaqavissappat suliniutinik attuumassuteqartunik eqqarsaatigeqqinneqarnissaat.*

**Aaliangersakkanut ataasiakkaanut erseqqissaatit***§ 1-imut*

Nr. 1-imut

Maannakkumut Gas-imut dieselolie-mullu akitsuutinik aaliangersakkat qaffanneqassapput liter-imut 10 øre-miit 55 øre-mut.

Nioqqutissanut assigisaannut allanut akitsuutit aaliangersakkat fuelolie-mut qaffanneqassapput ton-imut 113 kr.-miit 80 øre-lu ton-imut 625 kr.-imut 90 øre-mut, motorbenzin-imut allallu liter-imut 10 øre-miit liter-imut 55 øre-mut, gas-imut allallu uuttueriaaseq Nm<sup>3</sup> 110 kr.-miit aamma 40 øre-miit uuttueriaaseq Nm<sup>3</sup> 607 kr. aamma 20 øre-mut kiisalu aamarsuit allallu ton-imut 73 kr.-miit aamma 40 øre-miit ton-imut 403 kr.-mut aamma 70 øre-mut.

*§ 2-mut*

Imm. 1-mut

Inatsisartut inatsisaat atuutilerneqarpoq inatsisip saqqummiunneqarnerani, takuuk imm. 2. Taamaasilluni akuerineqarpoq, akitsuutip qaffanneqarnerata malitsigisaanik pilertortumik nioqqutissanik nukissiornermut atorneqartussanik eqqussuisoqarsinnaanerata aarlerinartoqarsinnaanera.

Imm. 2-mut

Naalakkersuisut piginnaatinneqarput inatsisip atuutilerneqarnissaannut piffissarititaq nioqqutissanik suliffeqarfinit eqqussorneqartunik aaliangersaassallutik, oqaasertalersorneqarnera 64.10.12 naapersorlugu Nioqqutissanik pilersuinermut kiffartuussinissamut isumaqatigiisummik Namminersorlutik Oqartussat peqatigalugu, ikummatissanik imerpalasunik pilersuineq pillugu piffissami 2012-2016.

Nioqqutissat, kiffartuussinissamut isumaqatigiisummut ilaatinneqartut, ikummatissanik imerpalasunik pilersuinnissamut ukuupput Arktisk Diesel (Diesel Fuel Arctic), gasolie, benzin, petroleum kiisalu Jet A1.